

佛說方等

泥洹

籍

經

上

二百七十八
證三

49534

44

國

法
金剛
輪
經
卷
第
一

佛說方等泥洹經卷上三

澄

新為失譯附東晉錄

聞如是一時佛遊於王舍鷄山從大眾比丘
比丘千二百五十時摩竭王阿闍世與越祇
不相得眾臣議言越祇自恃國富民眾也汲
野豐多出珍寶不首伏我當往攻伐國賢大
臣名曰兩舍梵志種也王命使行瞽首佛是
敬問消息興居輕強氣力遊步德化日昇言
阿闍世與越祇有憾眾臣之議欲往攻伐願
聞眾祐有以教之大臣受命即嚴車五百乘
騎二千步人二千行詣鷄山到小道口下車
步進見佛歡喜貌色恭辭氣重揖讓畢長跪

言摩竭王阿闍世瞽首佛足敬問消息興居
輕強氣力遊步德化日昇佛言甚善王與國
人及汝皆安不雨舍白言王與越祇有憾衆
臣之議以彼自恃國富民衆地沃野豐多出
珍寶不首伏我欲往伐之願聞佛教佛報大
臣昔吾一時曾遊越祇正躁神舍見其國人
皆多謹勅我時爲說治國七法不危之道其
能行者日當興盛末之衰也即叉手言願聞
七法盖何施行佛言諦聽對曰受教時賢者
阿難住後扇佛佛言阿難汝寧不聞越祇國
人數相聚會講論政事修備自守對曰聞其
數相聚會講議政事修備自守佛言如是彼

爲不衰汝聞越祇君臣常和所任忠良轉相
承用對曰聞其君臣常和所任忠良轉相承
用汝聞越祇奉法相率無取無願不敢有過
對曰聞其奉法相率無取無願不敢有過汝
聞越祇禮化謹敬男女有別長幼相事對曰
聞其禮化謹敬男女有別長幼相事汝聞越
祇孝於父母遜悌師長受識教誨對曰聞其
孝於父母遜悌師長受識教誨汝聞越祇承
天則地敬畏鬼神敬順四時對曰聞其承天
則地敬畏鬼神敬順四時汝聞越祇尊奉道
德國有沙門應真及四方來者供養衣食卧
牀疾藥對曰聞其尊奉道德國有沙門應真

及四方來者供養衣食卧牀疾藥佛言夫有
國者行此七法難可得危雨舍對曰使越祇
人持一者尚不可攻何況有七國事多故當
還請辭佛言可宜知是時即從座起礼佛而
去是時佛勅賢者阿難請鷄山中諸倚行比
丘令會講堂即請悉會誓首畢一面坐佛告
諸比丘聽我所言善念行之皆曰受教佛言
比丘有七教則法不衰何等七教一當數會
講誦經道無有懈怠二當和順忠正相教轉
相承用三當無取無願於他惟樂山澤四當
絕望長幼先後相事以礼五當慈孝承事師
長受識教誨六當奉法敬畏經戒以修梵行

七當遵道供養聖衆開解童蒙來學者受給
施衣食卧牀疾藥如是七法可得久住又比
丘有七守則法不衰當善念行一守清淨不
樂有爲二守無欲不貪利養三守忍辱無所
諍訟四守空行不久入衆聚五守法意不起
衆想六守一心坐禪定意七守約損衣食麤
踈草蓐爲牀如是七法可得久住又比丘有
七敬則法不衰當善念行一爲敬佛善心礼
事無他倚行二爲敬法志在道意無他倚行
三爲敬衆依受教令無他倚行四爲敬學事
持戒者無他倚行五爲敬聞事講授者無他
倚行六爲敬淨無欲無他倚行七爲敬定事

坐禪寂無他倚行如是七法可得久住又比丘有七財則法不衰當善念行一當有信見正喜樂二當有戒慎護不犯三當有慚改過自悔四當有愧順所言行五當多聞諷誦無厭六當智慧深行微妙七當法施勿望禮貺如是七法可得久住

又比丘有七覺意則法不衰當善念行一志念覺倚淨無媯捨分散意二法解覺倚淨無媯捨分散意三精進覺倚淨無媯捨分散意四愛喜覺倚淨無媯捨分散意五一向覺倚淨無媯捨分散意六惟定覺倚淨無媯捨分散意七行護覺倚淨無媯捨分散意如是七

法可得久住又比丘有七知則法不衰當善
念行一當知法佛十二部經諦受誦論二當
知義求諸法慧博解其要三當知時可誦可
步可禪可卧無失時宜四當自入法行
多少深淺熟與初始志當日勝五當知節勿
貪美妙適身節食無以自病六當知衆入比
丘衆梵志聖人君子及士民衆分別知可敬
可住可坐可默可語七當知人觀其所好察
其志能隨意勸導令知聖化如是七法可得
久住又比丘有七惟則法不衰當言念行一
惟經道當如人念父母父母生子思極一世
惟法活人無數世度人生死二惟人生無不

有苦憂念妻之家屬所有死各離散不知所
墮若身有罪親不能解知此非常當念行道
三惟精進端身口意取道不難四惟謙虛無
自憍大承事明哲矜誨未聞愍傷教之五惟
降意不耻六情抑媿怒癡態無有邪行六惟
軀中但盛臭處風寒熱血無可貪者七惟自
觀形如糞土日當念死天地開闢生民以來
無不死者世間如夢所見歡愛不知為化悟
乃覺空當知是幻勿以自欺如是七法可得
久住又比丘復有六重法當善念行可得久
住一為修身以起慈心依聖句通諸清淨者
行此重任和一愛敬施於同學無取無諍免

共守行行二爲修口善行以起慈心三爲修
意善行以起慈心四爲所見法際若得衣食
應器餘物終不愛蔵五爲持戒不犯不以摸
質能用勸人六爲若從正見得出正要受道
苦盡度知見了行此重任皆以聖句通清淨
用和愛敬施於同道無取無諍轉相建立共
守道行又復比丘當爲愍傷一切蠕動至於
蟣虱必加慈心人之死亡當爲悲哀彼得爲
人如不聞道家室啼哭亦不知死魂神所趣
惟得道者能知之耳佛爲是故敷陳經法經
不可不學道不可不行天下多道王道爲大
佛道如是最爲其上譬數十人俱共射准有

前中者有後中者要射不止必復中准又如
天下衆流不息皆歸于海比丘如此行道不
止會得解脫如佛法教轉相承用諷詠佛語
常用時誨四輩弟子展轉相教如是佛經可
得久住彼時佛語賢者阿難俱之巴連弗邑
即受教行佛攝衣鉢歷王舍城去行半道所
頓止王園佛告諸比丘皆聽其爲道者當知
四諦凡人不知故走長塗宛轉生死無休止
時吾是以啓汝意何等四一曰知苦苦是謂
真諦二曰苦由習生是謂真諦三曰苦習盡
滅是謂真諦四曰苦習盡受道是謂真諦於
苦不慧不知故走長塗生死不休當以知此

苦諦苦者謂生苦老苦病苦死苦憂悲惱苦
愛別離苦所求不得苦以要言之五盛陰苦
已覺斯苦能斷愛習是謂得眼爲極是生後
不復有苦猶習者從愛苦習都盡受道之諦
得眼見證爲盡是生後不復有已見真諦得
道眼者無復生死長塗永絕如是比丘又當
復知道得八行何等八一以專心受佛經法
二棄愛欲與世無諍三終不爲殺盜婬行四
不欺讒佞飾惡罵五不嫉妬貪饕養不信六念
非常苦空非身七觀形中臭穢不淨八不貪
身知當歸土諸往古佛皆見此四諦諸當來
佛亦見此四諦其有貪慕家居恩愛及樂世

間榮名之壽者終不得是度世之道道從心生心淨者乃得道其次心端不犯五戒可得上天其次信道好學經法後可得作人若都欲斷絕地獄畜生餓鬼道者當以一心奉行經戒今佛爲天下解脫生死開現正道其欲學者當諦思惟佛與賢者阿難前到巴連弗山城外神樹下諸梵志居士聞佛從諸弟子來皆出城外欲覲見供養佛有持席薦有持毘毘有持水漿及錠燈者行詣佛所誓首畢一面坐佛告諸梵志居士人在世間好貪欲恣意者有五消耗一自放恣財產日減二自放恣危身失道三自放恣衆人不敬死時有

悔四自放恣醜名惡聲周聞天下五自放恣
身死魂神墮三惡道人能降心不放恣者有
五豐德一自檢攝財產日增二自檢攝得近
道意三自檢攝衆人所敬至死無悔四自檢
攝好名善譽周聞天下五自檢攝身死神生
天上福地人不自恣有此五善宜思念之佛
為衆人說法正化若干要語無不歡喜皆前
誓首佛足繞三匝而去於是佛起到阿衛聚
坐一樹下持神心道眼見上諸天使賢神守
護此地賢者阿難從宴坐起誓首畢一面住
佛問阿難誰啻此巴連弗起城郭者對曰是
摩竭大目雨舍所建所其欲以遏絕越祇佛

言善哉善哉兩舍之賢乃知噐此吾見切利
諸神妙天共持此地其有土地爲天神所護
必安且貴又此地者近天之中主此地神名
曰人意人意所護其國久而益勝必多聖賢
仁智豪俊餘國弗及亦莫能壞此城久久如
欲壞時當以三事一者大火二者大水三者
中久與外人謀乃壞此城兩舍聞佛與衆弟
子俱遊到此即乘王威嚴車五百乘出城欲
覲見供養佛到即下車步入園門見佛歡喜
貌色恭辭氣重揖讓畢一面坐佛爲說法正
化若干要語兩舍歡喜乃避座言欲設微食
願與聖衆俱屈威神佛以默如可之即起誓

首繞佛三匝而歸大目歸乃通夜具作好食
嚴室內施牀座早行白佛食具已辦惟聖知
時佛即攝衣持鉢與衆弟子俱到其舍就高
座於衆前坐兩舍手自斟酌腍美奉鉢致漿
行澡水畢住白佛言已所施福願佛呪願此
國土民一切天人使長得安佛呪願言佛助
尔喜爲天人供養士民作導飯佛比丘僧稱
譽正法受道慧語奉行經戒都呪願此可敬
知敬可事知事博施兼愛有慈哀心使汝一
切常獲福利得見正道大目歡喜佛復言汝
於今世雖有官事緣由此福後必解脫若人
得飯佛及真賢持戒者沙門呪願終不徒棄

又當以知若欲在官及居位者不可有貪心
不可侈心不可憍心不可虐心不可快心去
此五者後無咎悔死得上天除惡道罪佛說
已從座起出東城門雨舍追侍曰當名此門
為瞿曇門佛度津渚又追名之為瞿曇津是
時人民有乘舫舟度者有乘小船或乘竹簞
及木桴渡度者甚衆佛坐定意自思往昔未
作佛時身所更來乘此桴舫不可復數今以
解脫不復乘此亦使我諸弟子得離是佛從
定覺自說頌曰

佛為海船師 法橋渡河津 大乘道之典
一切度天人 亦為自解脫 度岸得昇仙

都使諸弟子

縛解致泥洹

彼時佛語賢者阿難俱之拘利邑受教皆行
到坐樹下佛告諸比丘皆聽當持淨戒當思
定意當解慧行此三者禪譽既豐又得離於
婬怒癡垢是謂正度欲疾望此當力自解用
盡是生入清淨行務如應作而知一心以善
其性與世無諍已知世事宜自憂身靜居內
思意志即明三垢已除便自得道心不復走
亦無所著譬如國王為萬姓主比丘自思惟
能万端皆心為主佛與阿難俱到喜豫邑止
河水邊捷祇樹下諸弟子且入城食已澡洗
畢還禮佛住白佛言是國多疫癘有死者朝

所共聞有清信士玄黥時仙初動或震叔良
使賢伯宗兼篤德稱淨高十人皆死是輩喪
身當趣何道佛告諸比丘此十人者已斷自
然魂神上生十八天上到不還地不復來下
受世間法又是國死非但此也佛天眼見五
百清信士悉如難提等離三垢五道斷死皆
上生不還之地止取泥洹又有三百清信士
已斷三結無婬怒癡外頻來地後來下生當
見苦際復有五百清信女皆得四喜三結盡
得溝港離三惡道生天人中不過七世當得
應真於是佛謂諸比丘汝說彼死者爲撓擾
佛也然吾爲佛不復受此亦當何懼微哉妙

矣生死有時夫諸佛興雖曰生於世不佛法
情矣何則如來法情已止無所不覺已了是
生現說分明所謂妙者從有是令得是無有
是不得是從是起令是生是滅者乃都滅所
以者何用有欲求故爲不明緣不明行緣行
識緣識名色緣名色六入緣六入更樂緣更
樂痛緣痛愛緣愛受緣受有緣有生緣生老
死憂悲苦滿心惱致是具足苦性習有生死之
本轉如車輪行無休息從癡不明故有生死
假令不明無餘無欲以滅則行滅行滅則識
滅識滅則名色滅名色滅則六入滅六入滅
則更樂滅更樂滅則痛滅痛滅則愛滅愛滅

則受滅受滅則有滅有滅則生滅生滅則老
死憂悲苦滿心惱致是具足苦性習有爲都滅
矣故先爲若說癡者有生死慧者持道不復
生死當思念此挫其心乃不持復更生死之
道又欲近道當有四喜宜善念行一曰念佛
意喜不離二曰念法意喜不離三曰念衆意
喜不離四曰念戒意喜不離念此四喜必令
具足而自了見當望正度求解身要可以除
斷地獄畜生鬼神之道以致溝港不墮惡地
雖往來走天上人中不過七生自得苦際彼
時佛語賢者阿難俱之維耶離國即受教行
佛樂拘利歷城中去到止城外故望女柰氏

園柰女聞佛從諸弟子自越祇來即嚴車衣
服從五百女弟子俱出城詣柰園欲跪拜侍
覲佛遙見其五百女來勅諸比丘見是皆當
佞頭內觀自端汝心彼好莊衣譬如畫瓶雖
表彩色中但屎尿當知好女皆盡畫瓶輩也
夫爲道者不當惑彼故當健制志惟分別是
柰女來亦從我教何謂健制已生惡法能即
斷却治性精進自攝意端未生惡法能令不
起治性精進自攝意端未生善法意能發生
治性精進自攝意端已生善法志立弗忘能
使增廣治性精進自攝意端是以當爲寧破
筋骨自碎身體不隨心而爲惡是爲健制何

謂志惟惟內身循身觀惟外身循身觀以內
外觀思念分別斷不使意惟內痛循痛觀惟
外痛循痛觀以內外觀思念分別斷不使意
惟內意循意觀惟外意循意觀以內外觀思
念分別斷不使意惟內法循法觀惟外法循
法觀以內外觀思念分別斷不使意是爲志
惟何謂分別知可行不可行從其正能別行
是爲分別夫能健制志惟分別乃爲有力非
謂壯士多力而爲健也能去惡就善是謂最
健自吾求佛與心諍以來其劫無數用不聽
邪心故令得爲若世間作佛亦可休止汝意
久在不淨之中可自拔擢免斯衆苦見是女

來當如我教於是柰女到誓首畢一面坐佛
問言今汝諸女意何如對曰受佛大恩得聞
法教愚癡醒悟夙夜自勅不敢邪心佛告柰
女好邪姪者有五自妨一者多聲不好二者
王法所嫉三者懷異多疑四者死入地獄五
者地獄罪竟受畜生形皆所致能自滅心不
邪姪者有五增福一者多人稱譽二者不畏
縣官三者身得安隱四者死上天生五者從
立清淨泥洹道是以當自患厭女人生病月
期不淨拘絆捶杖不得自在受行經戒可得
如佛清淨之道佛為柰女說法正化若干要
語柰女歡喜避座長跪白言欲設微食願佛

聖衆俱屈威神佛以默然可之即作禮而去
去未久維耶離豪姓有諸離車聞佛從諸弟
子來去城七里即乘王威嚴四色車出欲見
佛諸離車中有乘青馬青車青衣青蓋青幢
青幡官屬皆青有乘黃馬黃車黃衣黃幢黃
幡官屬皆黃有乘赤馬赤車赤衣蓋幢幡官
屬皆赤有乘白馬白車衣蓋幢幡官屬皆白
佛見車騎數十萬衆填路而來即告諸比丘
汝欲見忉利天上帝苑中侍從出入者如
此無異耶諸離車到皆下車步入柰園作禮
畢一面坐佛爲大衆說法正化有一人字并
賢避座起整衣服向佛自陳言每聞佛功德

巍巍甚大天上天下無不傾動常從在所夙
夜敬仰服重清化不敢有惱佛語并饗天下
穀哲乃知敬佛夫敬佛者自得其福死皆上
天不墮惡道於是并饗說頌贊曰

敬謁法王來

心正道力安

最勝号爲佛

名顯若雪山

譬華淨無疑

得喜如近香

方身觀無狀

光若露耀明

惟佛智高妙

明盛無瑕塵

願奉清信戒

自歸於三尊

是時座中五百豪姓各解身上衣以授并饗
并饗持衣前白佛言是諸尊者聞善言喜共
以五百上衣奉獻世尊願哀受之佛受已告
言溥士當知佛爲如來至真等正覺明行成

已善逝出閻解無上士道法御天人師号佛
衆祐出興於世有五難有自然之法何等五
佛出教化天下釋梵沙門梵志龍神帝王以
自然慧爲世現證開說真道上語亦善中語
亦善下語亦善至要義具清淨究暢一切敷
演是一難有自然法也佛說經於天下聞者
皆樂信學諷誦端身口意去邪入正是二難
有自然之法也天下人民聞佛經道意去開
解深之思惟皆得明慧是三難有自然之法
也天下人民聞佛教誠多以愛敬出三惡道
生天人中獲大利是四難有自然之法也天
下人民聞佛道奧深妙法言解本生死緣之

事斷情絕欲皆得出要第一精進得應真道
第二精進得不還道第三精進得頻來道第
四精進得溝港道是五難有自然之法也凡
人於佛而有反復之心以施少善者皆得大
福不唐棄也是故并旣餐當自勗勉以學此得
佛說已諸離車從座起整衣服叉手言本欲
請佛而柰女以奪我先願須後曰我等多務
欲還請辭佛言可當知時時即皆稽首佛足
繞三匝而去柰女通夜作濃美食嚴飾室內
晨施牀座行白佛言食具足辦惟聖知時佛
與衆弟子俱到其舍就高座於衆前坐柰女
手自斟酌奉鉢致漿行澡水畢取小牀坐佛

前欲問法。佛言我代若喜。好布施者。後無怨
畏。多得稱譽。善名日增。衆人愛敬。人能無慳。
仁慧爲智。如是無垢安隱。生天上。諸天相娛。
樂佛爲柰女說法。正化若干要語。已皆歡喜。
佛語賢者阿難。俱至竹芳邑。止城北林樹下。
是歲竹芳邑。飢饉穀粟騰貴。佛告諸比丘。是
間飢饉乞求難得。汝等宜分部行。別到維耶
及越祇諸聚邑。可以無乏受教。當行佛言。比
丘當知。自損得善。無喜得惡。勿憂食取支身。
勿貪求美。但坐嗜味。愛求之故。生死不絕。夫
知節身。能自損者。可得定意。佛爲說法。正化
若干要語。皆歡喜禮佛去。各分部行。到諸國。

邑佛獨與阿難俱到衛沙聚是時佛身疾舉
軀皆痛佛念痛甚而弟子皆不在當須衆來
乃取泥洹宜爲是疾自力精進以受不念衆
想之定即如其像正受三昧思惟不念衆想
之定以是忍意而自得聞賢者阿難從一樹
下起詣佛稽首畢一面住問佛消息疾寧瘳
損聞聖體疾實用憂懼世尊得無欲取泥洹
願有教令於衆弟子佛報阿難佛豈與衆相
違遠乎吾亦恒在比丘衆中所當施爲教誡
以具前後所說皆在衆所但當精進案經行
之向吾疾生舉軀痛甚即思不念衆想之定
意不著疾故忍中止要者阿難我所說法中

外備悉佛爲法師無所遺忘所當施行自足
可知我亦已老年且八十形如故車無牢無
強吾本說生死有時無生不終極上有天名
不想入其壽八十四千萬劫彼亦有死是以
佛起經於天下咸亦泥洹大道以斷生死之
本我今都爲有身作錠今身歸爲法教錠今
法自歸彼何謂錠何謂自歸謂是專心在四
志惟一惟觀身二惟觀痛三惟觀意四惟觀
法健制思念斷不使想是爲一切作法教錠
當以自歸吾爲此已重說如欲解者當精進
行中外戒法必使如常其有自歸覺佛經道
皆佛子孫今我委棄轉輪王位爲天下作佛

憂度主界汝等亦宜自憂其身以斷衆苦彼
避雨時補縫衣畢佛語賢者阿難俱至維耶
離受教即行既到止獲猴館行乞食畢滌鉢
澡洗又與阿難俱到急疾神地佛言阿難維
耶離樂越施亦樂今此天下十六大國其諸
郡邑皆樂熙連然河多出黃金閻浮提地五
色畫人生於世以壽爲樂若比丘比丘尼知
四神足是爲拔苦多修習行當念不忘在意
所欲可得不死一劫不啻如是阿難佛四神
足已多習行專念不忘在意所欲如來可止
一劫有餘佛重說是至再三時阿難意沒在
邊想爲魔所蔽矇矇不悟默而不對佛言阿

難汝去到一樹下靜意自思即受教一處坐
時魔波旬來佛意無欲可般泥洹教誨以周
已訖可滅度矣昔者佛遊偃留河上解說
諸老曰吾為佛雖得自在不貪久住非謂今
也所度亦畢可般泥洹佛報波旬吾所以至
於是未滅度者須我衆比丘及比丘尼令皆
智慧承用經戒勸諸未入使學者成亦以須
我諸清信士及清信女令得智慧承用經戒
未入者入受法者成如是波旬吾以待此四
輩弟子皆得法意展轉相教解諸童蒙使學
成就是以至今未滅度耳魔曰可足時已畢
矣佛言汝默如來不久是後三月當取泥洹

魔心乃悅歡喜而去佛即正坐定意自思於
三昧中不住性命棄餘壽行當此之時地為
大動空中清淨佛之光明徹照無窮諸天神
來側滿虛空佛從定覺自說偈曰

無量衆德行

有為吾今捨

近遠應度者

已度應度者

賢者阿難心驚毛豎疾行詣佛稽首畢一面
住白佛言甚哉世尊地動乃尔是何因緣
佛語阿難凡世地動有八因緣何等八天下
地在水上水止於風風止於空空空中大風有
時自起則大水擾大水擾則普地動是為一
也有時得道沙門及神妙天戒德隆盛欲自

試力手案少地則普地動是爲二也若始菩
薩從第四天下入母胎明哲慈意欲見道化
開發愚蒙乃放神光震動天地令梵釋魔沙
門梵志一切見明是爲三也若菩薩生出母
胎時德感諸天淨無雲暄神光遠照則普地
動是爲四也至於菩薩得無上道正真佛時
普地大動天神四布稱揚佛名是爲五也及
已作佛初大會時法輪三轉天人則解此彼
菩薩升成大道光明遠照時普地動是爲六
也佛教將畢欲棄壽行不住性命乃大放光
勸發天人則普地動是爲七也如佛衆祐臨
當棄身般泥洹時明無不照天神參至則地

善動是為八也。何難言。今佛已為捨性命耶。
佛言已捨阿難曰。昔聞佛說。若有弟子。知四
神足。多修習行。專念不忘。在意所欲。可止不
死。一劫有餘。而佛道德過殊於此。亦不可久
止乎。佛報阿難。今汝言之。豈不過耶。吾與汝
言。四神足者。乃至再三。而若徑默。沒在闇昧。
不發明想。為魔所蔽。而復何云。具佛所說言。
一出口。寧自違乎。對曰。不也。如是。阿難夫不
智者。既自發言。而追違之。我無是也。阿難垂
涕曰。亦何駛哉。佛取泥。徂一何疾哉。世間眼
滅。彼時佛勅賢者阿難。請維耶離國。倚行比
丘受教。即請悉會講堂。稽首畢。一面住佛告。

諸比丘世間無常無有牢固皆當離散無常
在者心識所行但爲自欺恩愛合會其誰得
久天地須弥尚有崩壞況于人物而欲長存
生死憂苦可厭已矣佛後三月當般泥洹勿
恠勿憂且夫一切去來現佛皆從法得經法
且存但當自勉勤學力行持清淨心趣得度
脫心識情休則不死不復生亦不復走於五
道捨一身受一身也五陰已斷乃無飢渴寒
熱憂悲苦惱之患人知正心天上諸天皆代
人喜當以降心柔弱自損勿隨心行心之行
無不爲得道者亦心也心作天心作人心作
鬼神畜生地獄皆心所爲也從心行得起諸

法心作識識作意意轉入心心者取爲長心
志爲行行作爲命賢愚在行壽尤在命夫志
行命三者相須所作好惡身自當之父作不
善子不代受子作不善父亦不受善自獲福
惡自受殃今佛爲天上天下所尊敬者皆志
所爲是故當以正心行法惟行法者能現世
得休現世得安宜善取持諦受諷誦靜意思
惟然則我清淨法可得久住可以愍度世間
衆苦道利綏寧諸天人民比丘當知何等爲
法謂是四志惟四意端四神足四禪行五根
五力七覺八道諦如受行可得解脫今法不
衰彼何謂四志惟惟內身循身觀惟外身循

身觀以內外觀分別思念斷癡惑意惟痛之
觀及意與法皆如初說何謂爲四意端已生
惡法能即斷却治性精進自攝意端未生惡
法制使不起治性精進自攝意端未生善法
即能發生治性精進自攝意端已生善法志
立不忘能使增踰精進意端何謂爲四神足
思惟欲定以滅衆行具念神足其欲不邪不
取無捨常守清行惟精進定惟意志定惟戒
習定皆同文如初說何謂四禪棄欲惡法但
念但行志樂無爲成一禪行念行已滅內守
一心志在恬靜成二禪行惟觀無婬心安體
正分別見真成三禪行已斷苦樂無憂喜想

意已清淨成四禪行何謂五根一為信根意
向四喜二為精進根治四意端三為念根念
四志惟四為定根思四禪行五為智根見四
真諦何謂五力一為信力喜意不壞二為精
進力常能健制三為念力得志惟觀四為定
力禪意不亂五為智力以道自證何謂七覺
志念覺意法解覺意精進覺意愛喜覺意一
向覺意惟定覺意行護覺意何謂八道正見
正思正言正行正命正治正志正定是為度
世清淨之法彼時佛語賢者阿難俱至拘利
邑即受教行佛樂維耶過國中出城門迴身
右轉視門而笑賢者阿難即整衣服右膝著

地長跪問曰自我得侍二十餘年未曾見佛
行以無緣如迴身視門而笑是何因緣佛言
如是如是阿難佛之儀法不妄迴身虛而笑
也是我最後見維耶離故視笑耳於是佛自
頌曰

是吾之最後

遊觀維耶離

將遊彼泥洹

不復受有身

有異比丘亦讚頌曰

佛稱此末後

身行極於斯

若遂淪清虛

於何覩聖來

佛與阿難俱到拘利止城比林樹下告諸比
丘當護淨戒當思定意當解智慧夫以守戒

有定慧者成大德致豐譽永離貪婬瞋恚愚
癡可得應真欲以現世望正度者當加自解
令盡是生入清淨道已如應行乃自知身後
不復受佛復語賢者阿難俱之健持邑止城
北樹下坐告諸比丘當守淨戒思惟定意求
解智慧守淨戒者不隨三態惟定意者心不
放散已解慧者去離愛欲行無罣礙有戒定
慧德大豐譽又離三垢終得應真欲以是身
望得正度當勤求解令盡是生入清淨道作
如應行乃自知滅後不復受佛又與阿難俱
過掩滿邑及出金邑授手邑華氏邑至善淨
邑處處為弟子說此三要曰當護戒當思定

當解慧守此三者德豐譽大消姪怒癡是謂
正度已有戒心則定心成定心已成則智心
明如染淨潔受色明好有此三心則道易得
但當一意勤身求解令盡是生已入清淨行
如應者自知極此不復受生若不能具戒定
慧行欲度世難有此三者意自開解坐而思
惟便見五道天上人中地獄畜生鬼神分明
悉知衆生意志所念譬如溪水清其中沙礫
青黃白黑所有皆見得道之人但心清故所
視悉見欲得道者當淨其中心如水渾濁則
無所見持心不淨不得度世師所見說弟子
當行師同不入弟子心中就正其念念意端

者道自得矣佛已樂善淨又語賢者阿難俱
之夫延邑止城北樹下坐晡時阿難從宴坐
起到佛所誓首畢叉手問曰倉卒欲知地動
幾事佛語阿難有三因緣一為地倚水上水
倚於風風倚於空大風起於水擾水擾則地
動二為得道沙門及神妙天欲現感應故以
地動三為佛力自我作佛前後已動三千日
月萬二千天地無不感發天人鬼神多得聞
解阿難歎曰妙哉佛為無倫以自然法無不
感動至德至道巍巍乃尔佛言如是如是阿
難佛德不小乃從無數劫積累功德奉行諸
善自致作佛有是神妙自然法化一切知十

切見無不入無不化憶念我昔以慈悲心若
千百千入天下諸王君子衆化住相見隨其
像貌爲安慰說經道周流教化使得善意如
是現化徧於八方隨其國俗服飾語言相其
人行何法知何經而爲演說授以正道樂義
言者爲設典教解道理者爲說上要堅立其
志已而捨沒設王君子莫知我誰後皆耽味
敬承法化是爲佛之清妙自然法也又我阿
難得佛力徧入現化以佛儀法入沙門衆爲
之師導已後化入梵志之衆又居士儒林異
學隨其被服聲音語言授與經道一切成就
爲錯橫法已而捨歿子曹皆受我教而莫我

知是佛之難有自然法也佛亦上入第一四
天王徧上第二忉利天第三忼天第四兜術
天第五不憍樂天第六化應聲天周匝魔界又
上第七梵天第八梵衆天第九梵輔天第十
大梵天第十一水行天第十二水微天第十
三水無量天第十四水音天第十五約淨天
第十六徧淨天第十七清明天第十八守妙
天第十九玄妙天第二十福德天第二十一
慤溥天第二十二近天第二十三快見天第
二十四無結愛天我皆周徧若干百千入是
諸天隨形貌與相見樂清淨者為說清淨達
道意者勸使布化在清人者立以大其解法

情即授以要誘勸導利化使得道訖輒捨沒
彼諸天輩莫知我誰是佛之難有自然法也
上餘四天皆無形聲故佛不往第二十五空
慧入天第二十六識慧入天第二十七不用
慧入天第二十八不想入天如是阿難佛恩
廣大無不成慘然而難值佛出世間如漚波
羅華時時有耳佛所說法亦難聞聞已聞經
法當受護持護持云何我滅度後若有比丘
言我見佛口受是法是律是教然其言說不
近不經而虧損法當持法句經所言律所見
為解說之若經不入與法意諍則當諫曰
賢者且聽佛不說是吾子妄受與法意違非

法非律不如佛教當知棄是若有比丘言我所止得依聖衆有法戒者面受是法是律是教然其言說不近不經虧損正法當持法句經義律語爲解說之若經不入與法意諍則當諫謂賢者且聽比丘衆者知法曉律此非法律吾子妄受不應於經與法意違不如佛教當知棄是若有比丘言我面從者舊長老者口受是法是律是教然其言教不近不經虧損正法當持法句經義語爲解說之若經不入與法意違則當諫謂賢者且聽者舊長老知法曉律此非法律吾子妄受不應於經與法意違不如律教當知棄是若有比丘言

我得近賢才高明智達福慧衆所宗事面從
受是經法律教然其言說不近不經虧損正
法當持法句義解說之若經不入與法意諍
則當諫謂正賢者且聽賢哲高明曉法律此
非法律吾子妄受不應於經與法意違不如
佛教當知棄是又復阿難若有言我得從佛
受是法語而其言謬不合經法若有言我從
依聖衆奉法者受而其言謬不合經法若復
言我口從耆舊長老受是其言錯謬不合經
法若言我從賢才高明智大福慧面受是語
而其言非不合經法當舉佛語以解曉之趣
使其人入經承律以爲詳說佛經法教聖衆

所承長老所明賢才所識賢者諦受如律教
無得諍當知持是四若彼阿難有是四闍廚
損正法當爲分別令棄邪媚受四正意是爲
受持護法者也其不承經戒者衆比丘當黜
之穉穉不去害善穀苗弟子不善壞我道法
當相檢校無得以佛去故不承用教世有沙
門奉行經戒則天下得福天神皆喜若聞在
所有明經比丘長老比丘新人學者當從諮
受如是則清信之士清信之女樂供衣食牀
卧疾藥比丘同道不可不和其墮地獄三惡
道者皆不和故耳比丘不可轉相形笑言我
知經多汝知經少知多知少各自行之言說

應經者用不合者棄是佛所說比丘所受必善持之若今如後凡講論經當言聞如是一時佛在某國某處與某比丘俱說是經若其經是不得苟言非佛所說相承用如是者比丘法可得久住

彼時佛語賢者阿難俱之波旬國弟子皆行佛以樂夫延歷城中去到止城外禪頭園中波旬豪姓有諸華氏聞佛來到皆出作禮稽首畢一面坐佛告諸華氏智者居家恭儉節用所奉有四用得歡喜一為敬養父母妻子二為占視人客奴婢三為給施親屬知友四為奉事君天正神沙門道士是謂知生全身

安家得力得色富足名聞死得上天佛為諸
華氏說法正化若干要語皆歡喜去有華氏
子淳獨留起整衣服長跪白佛欲設微食願
與聖眾俱屈威神佛以慈哀默而可之淳喜
為禮而歸調作腆美嚴飾室內晨施牀座畢
行白佛食具已辦唯聖知時佛與眾弟子俱
到其舍就高座於眾前坐淳手自斟酌奉鉢
致漿有惡比丘已飯取器佛知之淳念聖恩
善意供養行澡水畢取小牀坐佛前說頌問曰
請賢聖慈智 已度到彼岸 法御為枳疑
將幾沙門輩

佛告淳沙門有四輩當識別之一曰行道殊

勝二曰達道能言三曰依道生活四曰爲道
作穢何謂殊勝佛所說法不可稱量能行無
比降心能心度憂畏爲法御道守世間是輩沙門
爲最殊勝何謂能言佛所稱貴微妙之法體
解其情行之不疑亦能爲人演說道跡是輩
沙門爲敏能言何謂依道念在自守勤綜學
業一向不迎孜孜無倦以法自養是輩沙門
爲知生活何謂作穢恣意所樂依恃種姓專
造濁行爲衆致議不敬佛語亦不畏罪是輩
沙門爲道作穢凡人見聞將謂在道學淨智
者如此而已當知是中有真有僞有善有惡
不可齊同以爲一也彼不善者爲賢致謗是

故佛律點夫惡者譬如苗中生草不去害禾
 世多此輩內懷穢濁外如清淨若知福者信
 心奉道終不為彼起恨想也識善之人修己
 遠惡降欲怒癡故得道疾佛說已淳歡喜

佛說方等泥洹經卷上三

澄

憾胡暗躁反到禮貶下音矜上音誨上音軀反身反

但盛臭盛字音成關反益反蠕動上音一反而反軀反身反

蠛蠹上居豈射二時夜塗徒音讒音佞音潔字助反

定反如反餐貪音毘反毘反錠上音燈上音陳字潔字

正作聚反宴坐上音撓擾上音斟上音酌上音腆他

醜反非反侈昌虐魚却反津渚與反之反簿排音桴反無反

玄

黠

又下徒感反

挫

反則卧

筋骨

听上音

條

徒的燥

音循身

旬上音

拔擢

下上音

填

田音

并饗

經下諸

無此字恐作

睿哲

歲上音

瑕霞音

勗勉

玉上許

飢饉

下渠耀字

瘵

抽音錠

音補縫

逢下音

猿猴

圍上音

音館貫不施

正下音

音施

蔽反必

祭偃留

主上紆

窮

字窮一計

參至

合上七

漢替音

馳反使

音史

綏寧

恬靜

添上徒

不忘

聲下去

沙礫

層下音

倉卒

沒下

耽

反丁合慤淳

角上口

誘

慘然

感上七

漚波

侯上烏

虧

損為反苦謬

反苗幼

邪媚

下眉

黜反丑

律慤慤

二音敏

第裨上音

下

析枿

二先擊反

濠

淳合作

澄

泥洹經上

澄

